

257-4

中國名山勝蹟志叢刊  
沈雲龍教授主編

靈靈泰

山巖巖

道紀志  
里

略略記

釋弘儲述  
王鎬輯  
譚欽著

靈巖寺

中國名山勝蹟志 第三輯  
沈雲龍主編

泰山道里記

聶欽著

文海出版社  
有限公司印行

中華民國六十年九月初版

中國名山勝蹟志叢刊 第三輯

精裝：十二冊  
定價：新台幣

主編者：沈雲龍

發行人：李振華

出版者：文海出版社有限公司  
臺北縣永和鎮中興街99巷8號

郵政劃撥第二七八四號  
電話：九二—二六五九號

印刷者：金氏印刷有限公司

經銷者：全省各大書局  
臺北市長安東路二段66號

版權所有

本公司經內政部核准登記證為內版台業字第〇八〇〇號

自甲申夏承乏岱下躋其巔凡十餘次蹄軌稽攷載籍  
證以目驗伏讀

四庫全書總目中凡泰山志乘無著於錄者今所傳則  
查志隆岱史吳百朋泰山志劉其旋泰山志畧宋燾泰  
山紀諸書吾師唐陶山先生著岱覽三十二卷尤得體  
要其次則聶劍光之道里記以山之脈絡爲文之脈絡  
皆佳志也昔鄺中尉甄叙諸山類喜刻畫巒情標領雋  
致而獨畧於岱不過述馬第伯郭緣生之說而已今得  
吾師及聶君之書足以窺見泰山真面矣岱覽卷帙較  
繁非登臨時所能卒業道里記纔七十餘葉坐籃輿者  
手此一編可以按圖經而攬勝焉原刻漫漶不可識因

覆校正而爲之序道光丙戌歲仲夏月中澣  
賜進士出身知泰安府泰安縣事通州徐宗幹撰

泰山道里記

泰山虞書謂之岱宗風俗通義曰岱者長也萬物之始陰陽交代白虎通德論曰東嶽爲岱宗者言萬物之相代於東方也又嶽之爲言桷也桷考功德定黜陟也禹貢謂之岱周禮謂之岱山爾雅論語謂之泰山是泰山之名後於岱也

泰山結體惟魯頌巖巖一語足以形容氣象後人謂泰山如坐者言一山之體也又曰泰山爲龍者言衆山之奔赴也舊說皆謂山脈自西而東鄭樵通志謂濟南諸山其北麓兗州諸山其南麓青齊海上諸山其左翼河東諸山其右翼終不言其脈之所起李光地禹貢注導

山四條惟第一條言八海餘三者或長或短率無入海  
之文且岱爲嶽宗用表青徐之畛迤東卽其入海處經  
文不及以是蓄疑曾因 奏對備聞山東諸山之脈自  
營州跨海而來遣官按履經十餘年非意之也蓋自  
聖祖御製泰山龍脈論出而百家息喙矣

泰山面西南杜氏通典之說也後人多謂南向蓋登山  
者皆由紅門一路適值其南於此仰望峯巖掩蔽不見  
絕巔惟自山西南視之則正面出矣亦足徵其非自西  
來也其背依東北棨戟排列最據形勝云

泰山道里見於載籍者博聞錄謂高四千丈環一千里  
茅君內傳謂周回三千里其說荒遠不可稽唐徐堅初

泰山掌故古有泰山記其亡已久至明始有泰山志爲  
吳伯朋所輯後查志隆易名岱史歷城劉勅增修之其  
書分類雜陳率多挂漏未稱完善吾叔祖劍光性嗜山  
水遍覽名勝蒐討金石之文閱三十年成一書名曰泰  
山道里記凡諸記載所未詳而尤當特書者如石經峪  
刻金剛經據徂來刻石辨爲北齊王冠軍書唐紀泰山  
銘下截剝落葉彬補書百八字宋述功德銘磨勒岱巔  
鑿毀原碑字猶存介邱巖分水谿及古明堂均失覈蓄  
疑又肅然山奉高城季札子墓與白驪冢俱誤指其地  
汶泮三谿諸水皆牽混源流岱背琨瑞靈巖諸山因隸  
他縣而未錄叔祖遂加考驗折衷羣書辨訛補闕徵信

確鑿以路爲綱殊簡括有法彙成見示讀之而有嘆焉  
蓋叔祖嘗留心經世之學今且終老鄉里杖履徧山谷  
僅借此消歲月以娛其志而年已逾五十矣書之傳不  
傳非所計也乾隆丙戌正月旣望學文敬跋

往者李進士素伯在京師數爲子言聶君劍光者居岱宗之陽多識岱故貧而好著書良士也歲乙酉秋予以使事道出泰安留一日爲岱宗游欲訪劍光同行顧人無識之者是日出城北門歷十八盤登玉皇頂抵暮而回粗識岱宗面目而已其冬復過泰安劍光持刺介素伯書來見予喜甚然簡書有期不復能入山矣將別劍光以所著泰山道里記屬予序其端讀之由近及遠由正路以及四隅較若列眉其間崑谷幽阻昔人遊屐所未至掌錄所未詳者劍光歷三十年布衣芒屨手捫目驗而知之其文質而不俚簡而不漏洵志乘之佳者素伯所稱不予欺也予夙有山水癖與劍光同他日再游

岱宗劍光能強爲我行乎書之以爲息壤之約嘉定錢  
大昕

余友聶君劍光讀書好古癖嗜山水家徒壁立環座圖書蕭然暇日竹杖芒屨窮山水幽阻處采古今金石文歸輯泰山道里記一帙脫藁後示余余繙閱校讎竊歎劍光洵泰山之文獻也按泰山爲五嶽宗自古傳記所載如馬第伯酈道元諸篇最古厥後作者不一或誌大槩而遺其細或得一二而略其餘蓋限於目迫於時無可蒐訪不足徵信今劍光是編攷稽精審文簡意該於嶽之支麓諸峯脈絡聯屬歷歷如數掌上紋卽附嶽高里徂來琨瑞靈巖諸奧區名蹟皆不憚拂苔披蝕而直挾其原委噫是自有泰山以來人但述其雄奇而未盡其蘊奧者一旦披籍而遇諸目前他日懷古登臨持此

一編以代臥遊無患時勢之迫促耳目所不逮詎非濟  
勝一快事哉因亟勸付梓以公同好云乾隆庚寅冬長  
至日迂軒李成鵬

余嘗病天下地志謬誤非特妄引古記至紀今時山川道里遠近方向率與實舛令人憤歎設每邑有篤學好古能遊覽者各攷紀其地土之實據以參相校訂則天下地志何患不善余嘗以是語告人嘉定錢辛楣學士上元嚴東有侍讀因爲余言泰安聶君泰山衛里記最善心識其語比有岱宗之遊過訪聶君山居廼索其書讀之其攷訂古今皆詳核可喜學士侍讀之言不妄也余疑水經注於汶水左右水源流方面頗有舛誤又謂古奉高在今泰安石汶東故古登封入奉高境西行度環水而北至天門歷盡環道躋岱巔廼得封所馬第伯記可覆案也往昔在濟南秋霽登千佛山望岱巔諸峯

通相接竊謂歷城以南諸山皆泰山也後人多爲之名耳今閱是書每與余意合而辨正尤起人意聶君欲余序以重其書余淺學又偶過臆度徒幸有合於好古力索久往來是山中者聶君足重余耳余安足重聶君哉乾隆四十年正月桐城姚鼐序

聶君釗光泰山道里記共七十餘葉諸公  
登岱游覽披圖而按之瞭如指掌誠佳志  
也徐樹人中丞宰是邑時因原刻漫漶復  
校正之自丙戌迄今僅四十載刻本尚無磨  
滅蓋系於康熙夏承之斯土時屢值逆賊  
犯東夙夜防堵載藉諸編無暇披閱丙寅  
春賊復犯曹州境曾揆帥帶兵至東禦之  
暇時便道登岱因思道里記一編可備稽考

及閱是書業有殘缺詢之由荒亂遺失矣  
誠恨事也乃搜尋舊編鈔錄付諸剞劂  
俾是編復歸完璧然此特記載一端耳秦  
山志諸書尚復殘失者不少異時公私暇豫  
採訪校訂而補苴之誠系之有志而秦隸

者矣

同治丙寅夏五知泰安縣事津門楊寶賢敘